



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

არეშიძე მამუკა გურამის ძე

არეშიძე მამუკა გურამის ძე (დ. 27. XI. 1957, თბილისი), ჟურნალისტი, პედაგოგი, პოლიტოლოგი. საქართვე. პარლამენტის წევრი (1995–99), პოლიტიკური კავკასიოლოგიის ექსპერტი.

1975–81 წლებში სწავლობდა შოთა რუსთაველის სახ. სახელმწ. თეატრ. ინ-ტში დრამის სარეჟისორო ფაკ-ტზე (მ. თუმანიშვილის სახელოსნო). 1981–83 თბილ. მოზარდ მაყურებელთა და მეტეხის ახალგაზრდულ თეატრში დადგმული აქვს რამდენიმე სპექტაკლი. 1981–87 იყო საქართვე. ტელევიზიის ახალგაზრდული პროგრამების რეჟისორი, 1987–89 – კინორედაქციის მთ. რეჟისორი, 1988–93 – სატელევიზიო პროგრამის „სალამო მშვიდობისას“ წამყვანი და რეჟისორი, 1993–95 – საქართვე. ტელევიზიის საინფორმაციო გადაცემების მთ. რედაქტორი. იყო საქართვე. პარლამენტის საგარეო ურთიერთობათა კომიტეტის, კავკ. ხალხებთან ურთიერთობის ქვეკომიტეტის თავ-რე.

2001-იდან დღემდე არის არასამთავრობო ორგანიზაციის „სტრატეგიული კვლევების კავკასიური ცენტრი“-ს ხელმძღვანელი. დამოუკიდებელ ექსპერტთა კლუბის დამფუძნებელი (2010). 2011-იდან – „თავისუფალი აზრის სახლის“ აღმასრ. დირექტორი. 2013–16 – საქართვე. პარლამენტის ტერიტ. მთლიანობის აღდგენის კომისიის წევრი. 2014-იდან არის საქართვე. ტექ. უნ-ტთან არსებული „რეგიონური კვლევების ცენტრის“ დირექტორი. 2016-იდან დღემდე – საქართვე. პარლამენტის დიასპორისა და კავკასიის საკითხთა კომიტეტის საკოორდინაციო კომისიის წევრი.

სხვადასხვა დროს იყო ასევე რადიო „კვირის პალიტრისა“ და რადიო „ჯორჯიან თაიმსის“ (დღემდე) საავტორო გადაცემების წამყვანი. სხვადასხვა დროს ა. ენეოდა პედ. და

კვლევით საქმიანობას შოთა რუსთაველის სახ. თეატრ. ინ-ტში, შავი ზღვისა და სტუ-ში. კითხულობს ლექციებს სატელევიზიო ჟურნალისტიკასა და პოლიტოლოგიის დარგში. არის არაერთი სატელევიზიო და თეატრ. სპექტაკლის დამდგმელი რეჟისორი. დოკუმენტური ფილმების ავტორი და თანაავტორი („დრაკონის სინდრომი“, „სამაჩაბლო ცეცხლში“).

ავტორია ნაშრომებისა „დიდი კავკასია“, „პოლიტიკური ისლამი“ და სხვ..

ა-ს მიღებული აქვს სახელმწ. და საერთაშ. ჯილდოები: სახელმწ. პრემია (1983), მოზარდ მაყურებელთა თეატრში განხორციელებული სპექტაკლისათვის „ჩვენებურები“ სახელმწ. პრემია („ხუთწლედის მათიანე“); ჟიურის სპეც. პრიზი დოკ. ფილმისთვის „დრაკონის სინდრომი“ (1991; ბუდაპეშტი, უნგრეთი); საქართვე. სახელმწ. პრემია ჟურნალისტური საქმიანობისათვის (1992); საერთაშ. ორგანიზაცია „წითელი ჯვრის საზოგადოების“ ჯილდო ორგანიზაციის თანამშრომელთა ტყვეობიდან დახსნის საქმეში შეტანილი განსაკუთრებული წვლილისათვის (1999; ჟენევა, შვეიცარია); ვახტანგ გორგასლის III ხარისხის ორდენი საქართვე. ტერიტ. მთლიანობისათვის ბრძოლების ჟურნალისტური გაშუქებისათვის; - ჟურნალისტთა საერთაშ. ფედერ. პრიზი - „ოქროს კალამი“, ჟურნალისტიკაში შეტანილი ღვაწლისათვის (2001).

თ. დოლიძე
